



Kementerian Perdagangan Dalam Negeri
dan Hal Ehwal Pengguna (KPDNHEP)



PERBADANAN HARTA INTELEK MALAYSIA
INTELLECTUAL PROPERTY CORPORATION OF MALAYSIA

KENYATAAN MEDIA

PENGISYTIHARAN MALAYSIA REPROGRAPHIC RIGHTS CENTRE BERHAD (MARC) SEBAGAI ORGANISASI PENGURUSAN KOLEKTIF MEWAKILI KARYA SASTERA, SENI, IMEJ DAN ILUSTRASI

KUALA LUMPUR, 18 Ogos 2022 – Reprographic Rights Centre Malaysia Berhad (MARC) hari ini secara rasmi diumumkan menjadi badan pengurusan kolektif yang diiktiraf oleh kerajaan untuk menjalankan aktiviti kutipan royalti mewakili penulis, penerbit dan pelukis di dalam industri percetakan dan penerbitan di Malaysia.

Penyerahan sijil pengisytiharannya, disempurnakan Timbalan Menteri Perdagangan Dalam Negeri dan Hal Ehwal Pengguna (KPDNHEP), YB Dato' Rosol Wahid.

MARC merupakan pengurusan kolektif yang diisytihar oleh Perbadanan Harta Intelek Malaysia (MyIPO) yang diberi kuasa mengutip royalti karya sastera, seni, imej dan ilustrasi serta mengeluarkan lesen penggunaan tersebut bagi pengguna di Malaysia.

Menurut YB Dato' Rosol Wahid, MARC berfungsi untuk memantau penggunaan semula karya cetak dan digital di seluruh negara termasuk di sekolah, universiti, perpustakaan dan pusat cetakan, dengan kerjasama entiti kerajaan yang berkaitan seperti Kementerian Pendidikan Malaysia (KPM) dan Kementerian Pengajian Tinggi (KPT) seterusnya mengutip royalti sebelum ia diagihkan kepada pemilik harta intelek tersebut.

MARC dianggotai bersama oleh Persatuan Penerbit Buku Malaysia (MABOPA), Persatuan Penulis Nasional Malaysia (PENA), Majlis Penerbitan Ilmiah Malaysia (MAPIM), Persatuan Aktivis Komik Malaysia (PEKOMIK), dan Persatuan Buku Gambar Kanak-Kanak Malaysia (MYCPB).

-Lagi-

Penubuhan dan pengiktiran MARC sebagai organisasi pengurusan kolektif antara lain akan memberi manfaat kepada ahli-ahlinya dalam menguruskan hak royalti di samping menjaga kebajikan mereka dalam industri percetakan dan penerbitan karya-karya sastera, seni, imej dan ilustrasi.

YB Dato' Rosol Wahid sebelum itu merasmikan Seminar Kebangsaan bertajuk "*Managing Copyright in Malaysia Education*" di sebuah hotel di sini. Seminar ini antara lain adalah bagi mengumpulkan mereka yang terlibat dalam bidang pendidikan dan pengajian tinggi dalam membincangkan kepentingan hak harta intelek di dalam industri imej dan percetakan (reprografik) di Malaysia. Seminar ini juga adalah medan dan peluang terbaik bagi peserta untuk mendapatkan maklumat berkaitan perkembangan terkini hak reprografik antarabangsa dan perkembangan dalam negara.

Hadir sama Ketua Pengarah MyIPO, Abdul Haris Lakar dan Pengerusi merangkap Pengarah Urusan MARC, Ahmad Hussain Tajuddin.

-TAMAT-

PERBADANAN HARTA INTELEK MALAYSIA (MyIPO)

Untuk maklumat lanjut, sila hubungi:

EN. AKHTAR BIN SAHARI
Ketua Komunikasi Korporat
T: 012-6725667
E: akhtar@myipo.gov.my

EN. KULJIT SINGH OJAGAR SINGH
Pengarah Bahagian Hak Cipta
T: 016-9188802
E: kuljit@myipo.gov.my

MENGENAI PERBADANAN HARTA INTELEK MALAYSIA (MyIPO)

MyIPO merupakan sebuah agensi di bawah Kementerian Perdagangan Dalam Negeri dan Hal Ehwal Pengguna (KPDNHEP) yang bertanggungjawab dalam pembangunan dan pentadbiran sistem hak harta intelek (IPR) di Malaysia. MyIPO juga merupakan agensi tunggal bagi pendaftaran harta intelek di Malaysia. MyIPO menyediakan infrastruktur perundangan yang kukuh dan sistem pentadbiran yang berkesan untuk meningkatkan inovasi dan kreativiti.

REPROGRAFIK

Terma reprografik secara amnya merangkumi aktiviti seperti pengeluaran semula sesuatu bahan dari bentuk asal kepada bentuk baharu atau yang sama seperti aktiviti, pengimbasan, fotostat, percetakan, pencetakan digital, dan pengimejan dalam format *softcopy* atau *hardcopy*.